

海國圖志

地220.77

139

第14:2

淮安府志

建設總
署收藏
圖書之章

光緒十一年甲
申仲夏刊成

一二為圖十為卷四十有
與凡河漕一為
山夫物產古蹟關輿輦
損益之隘塞農田入輦
卓然可掇之傳羅定威
北水陸之衝竊維備淮
其消水長利風俗革
來南事故事革俗度有

治漕河智撫大吏暨駐
於斯我河智撫大吏暨
朝康熙乾隆之際屢蒙
翠華南幸於漕運河防
關震電規制尤備歲費
宸項以數百萬計曾不
其時民物熙皞財力豐
盈

與非復簡防會充清
民入之矣連今物淮
迹事機噓務則儼一
息也竊然亦黃然隅
教哉則古曰河為舟
養所變今之北江車
兼顧二無變徙北輻
施司則制多河一轉
不牧通而稍務大百
移者豈不二移都頂

時民之而光中睿
而事付緒漸撰
宜當守諸九督
庶更以樺年漕
如女有為人歲使
故進何次
太於如
守斯也
盡者遂
心質序

淮郡地踞揚徐之間為南
北水陸輻湊東晉五代南
宋疆域分裂長為兵衝明
代建都幽薊漕運皆仰給
於東南我朝因之帆檣銜尾縣亘數

省畢出於其途河淮於四
瀆最多潰決又皆以府境
為歸墟故自元明以來數
百年中督撫部司文武廳
營星羅棋布與省會無異
凡疆域沿革之繁民物盛

衰之端古今攻守之勢漕
河變置之宜自宋以來代
有志乘以資攷鏡非徒關
一方之掌故蒞斯土者亦
藉以考其得失審其利病
相其時而通變之於以敷

教而興事其係於
國計民生者甚大非夫偏
隅僻壤可以因循一切之
治之也嵩慶光緒六年承
乏是邦懼無以得事宜而
審通變因索舊郡志觀之

其書輯於乾隆戊辰距今
百三十餘年河道之遷移
漕鹽之改易寇盜之侵軼
秩官營伍之更制皆缺然
未續恐其久而泯沒無稽
也乃以修輯新志商之孫

太守海岑太守忻然力任
其事規畫既定爰延請郡
邑名彥專事撰述博採慎
取纂而成書其經費則請
諸漕憲書甫脫稿嵩慶
適以乞養告歸不獲與校

讐之役核訂刊布克竟其
事惟太守是賴嵩慶亦樂
與觀厥成焉抑聞前事之
不忘後事之師也斯編之
成郡人士喜文獻之有徵
於以景前修而紹先哲當

不乏人而審觀詳考以勤
求當今得失利病之所在
而因革之其有裨於政教
不又多乎爰述數語以告
後之蒞斯土者
光緒八年仲冬月分巡淮

揚海兵備道桂嵩慶謹識

夫建輶鐸以徇民採輜軒而問俗
司民牧者之責也吾人官輶所至
度形執奠民居務與時為變通
目地為規畫舉凡興利除弊諸大
政賴茲方策維繫人心志乘之輯
昌容緩哉淮安當南北水陸衝衢

冠蓋往來車旂輻湊泗流交匯邇
水通溝綜東南各省漕運數十萬
艘胥逾於淮以供天庾而鹺運所
出每歲亦額行四十餘萬引財賦
裕焉舟車通焉誠津梁之要隘也
其疆域迄宋始定

國朝復析山陽鹽城兩境置阜甯縣凡屬六惟郡守主之溯乾隆戊辰遵前志纂述距今蓋百有餘年未加修輯其間河流之遷徙閘壩之汙穢秩官營伍之更制暨兵燹後勲名之烜赫節烈之昭彰科第

之聯翩學額之增置鮮所蒐羅以資考證蒞斯土者責安道哉光緒庚辰桂觀察鄉亭分巡是邦與孫太守海岑建議及此迺集郡之賢士大夫經畫之復擇其周知世務者分布而延訪之正髣例

數名實勤編纂三閱寒暑裒輯
始竟適鄉亭觀察乞養旋里達
捧檄來茲承乏從事河防未遑
點勘太守以刊訂既就向序於余
余何能言惟念回革損益邦之
制也疏濬排決地之利也酌古準

今事之宜也闡幽發顯德之昭
也肅官方崇選舉則又人才所
由蔚起吏治所由懋修也淮郡雖
一隅而鹽漕河三大政於是乎在
筦其要以力圖之將見觀風察吏
正本清源以翊贊我

國家郅治之隆也豈不懿歟是編
始纂於光緒七年十月迄九年四月
歲事經費悉請於漕帥而其
始終將事則孫太守一人之力也
光緒九年秋八月權分巡淮揚海
兵備道南陵徐文達謹識

凡例

一舊志標目九十九建置沿革疆域山川古蹟河防水利勳爵封建文類駢贅今加裁并以類相從凡總目十六子目四十四或舉源以統流或因流而析派粗免岐複略示綱維

一疆域四至各有定限淮郡地瀕湖海河淮貫中蕩潏盈虛境土因之增減自康熙志乾隆志一統志江南省志府廳州縣志於淮郡道里廣輪之數多不相合非載筆人殊實地形代異今一以今境爲斷

一形勢以古今而殊風俗以南北而異至於物產亦有推

淮安府志

卷首 凡例

一

移志淮楚者向沿九域志圖經紀勝諸書仍標舊目抑知人雜邊風由於分疆裂壤前之土貢亦且古有今無準諸當今庶資觀省

一河防漕運爲兩朝大政以今視昔則規制懸殊詳紀變遷之端以著改革之漸至於支河閘洞系乎水利農田雖廢置遞更鉅細非類皆民生日用所資悉據原志及采穫冊籍分別紀載以備考核

一淮郡秩官自明以來文秩有部院分司武秩有鎮守屯衛及漕河建節大而監司微而丞簿各有專職與他郡秩官但系地方者迥殊今各以職守相維其有治行者

別詳仕蹟志可互參焉

一戶口田賦止據今制凡明代損益數目俱詳各邑志此不備列至各邑河湖灘徵時有增減今以光緒六年爲限

一學校貢舉無大改易惟黃流北徙易河防爲操防省并增置斯爲今制次諸護漕防河軍制之後以著因革一人物依舊例以時代相次不立品目各志中有淮陰關入射陽安東流寓山陽者各自爲書不妨互見今輯府志理無兩載一以本貫爲斷於本條注明世居某邑以省牽混其事蹟無多名列邑志間有省并徵文獻者正

淮安府志

卷首 凡例

二

可互稽

一列女以貞孝節烈爲大端事多相類人數尤繁今按舊編及採訪旌表厯案存其名氏事蹟均見邑志此不致詳

一古蹟向多附會由古今郡邑名號相同而誤今取漢以來同名州郡分別標出覽者自能得其真僞甚誣謬者去之傳譌已久見諸題詠者存之

一藝文在同治中郡人輯有淮安藝文志古今作者采輯略備此編仍舊例但存書目以省泛濫

一事關一方掌故而無類可入亦有小書短說不盡可徵

而秩官地名人事有堪取證至災祲所被兵燹所及尤
盛衰治亂所關鑒戒昭焉不容略也屏其迂怪彙而記
之以廣見聞

淮安府志

卷首 凡例

三